

ԻՐԱՎԻՃԱԿԸ ԳԵՏԱՇԷՆՈՒՄ ՄՆՈՒՄ Է ԼԱՐՈՒԱԾ

Գետաշեն, 6 Մայիսի, Մ.Տ.Կ.- երեկ ամբողջ գիշեր Գետաշենում շարունակում էր հրաձգութիւնը: Գիւղի հարաւային մասում հրանօթային կրակից հրկիզուել է չորս տուն, վիրատուրուել են 14 մարդ, որոնցից 9ը շատ ծանր են:

Բնակչութեան տեղահանութիւնը շարունակում է Ստեփանակերտի ուղղութեամբ:

Մայիսի 4-ին տեղահանուել եւ տեղափոխուել են 109, մայիսի 5ին՝ 212ը, իսկ այսօրուայ համար ծրագրուած է տեղափոխել 1200 մարդ՝ եթէ ստացուի:

Իգոր Մուրադեանի հետ Գետաշենում են գտնուում երկու ամերիկեան թղթակիցներ, որոնք խիստ յուզուած եւ անհանգստացած են տիրող իրավիճակից եւ պահանջում են, որ իրենց վիճակի մասին տեղեկացուի ԱՄՆի դեսպանը, կամ էլ, գոնէ, Մոսկուայում գտնուող Նիւ Եորք Թայմսի թղթակից Բիլլի Գեյլերը, որը իրագեկ է նրանց ով լինելու մասին:

Այսօրուայ վիճակով Կիրովաբաղի բանտում են գտնուում 16 հայ պատանդներ, որոնց ճակատագիրը խիստ մտահոգիչ է:

Երկու օր առաջ Կիրովաբաղի բանտից Գետաշենի յուշահամալիրի մօտ են բերուել երկու հայ պատանդներ, որոնք տանջամահ էին արւած: Շարտելով դիակները յուշարձանի մօտ՝ զինուորները թոյլ չեն տալիս մօտենալ նրանց: Մօտեցողների վրայ կրակահերթ է բացում: Ոչ մի կերպ հնարաւոր չի պարգել, թէ ովքեր են տանջամահ արուածները:

ԽՍՀՄ Ներքին Գործերի նախարար Պուգոյի դրդմամբ գետաշենցիները ստորագրել են այն հեռագրի տակ, որում ասուած է, թէ գետաշենցիները իրենց կամֆով են հեռանում իրենց հողից:

Այսօր 200 մարտունաշենցիներ գտնուելով Գետաշենում նոյնպէս սպասում են տեղափոխման: